



Broj: 02-02-2-1273-2/24
Sarajevo, 16.12.2024.

N/r Direktora

**PREDMET: Poziv bh. kompanijama iz oblasti tekstilne industrije za učešće u posjeti
Međunarodnom sajmu CIFF (Copenhagen International Fashion Fair), 28-30.01.2025.
Copenhagen, Danska**

Poštovani,

Vanjskotrgovinska/Spoljnotrgovinska komora Bosne i Hercegovine (VTK/STK BiH) Vas poziva da uzmete učešće u dvodnevnoj poslovnoj posjeti „**Međunarodnom sajmu CIFF (Copenhagen International Fashion Fair)**“. Poslovna posjeta će biti organizirana periodu od **28-30.01.2025. u Copenhagenu Danska**.

O sajmu CIFF

CIFF (Copenhagen International Fashion Fair) je jedan je od najvažnijih modnih sajmova u Skandinaviji i jedan od vodećih u Europi. Održava se dva puta godišnje u Copenhagenu, obično u januaru i augustu, kako bi predstavio kolekcije za naredne sezone (proljeće/ljeto, jesen/zima). CIFF je mjesto gdje se susreću dizajneri, brendovi, kupci, novinari i profesionalci iz modne industrije kako bi se upoznali sa najnovijim inovacijama i trendovima. Na prošlogodišnjem izdanju CIFF-a u januaru na površini od 34.000 m², izlagalo je preko 10.000 brendova koji su privukli 17.000 poslovnih posjetilaca. Zemlje iz kojih su dolazili izlagači bile su: Danska, Švedska, Norveška, Njemačka, Italija, Francuska, Japan, SA, Kanda i dr.

CIFF je poznat po promovisanju održivosti, novih tehnologija i kreativnih koncepata u modi. Postoje posebne sekcije posvećene održivim brendovima i inovativnim materijalima. Ističe se po kreativnim postavkama koje spajaju modu, umjetnost i dizajn. Svaka sezona donosi jedinstvene tematske prostore.

Sajam okuplja širok spektar izlagača, od etabliranih brendova do novih talenata. Pokriva sve segmente mode, uključujući žensku, mušku i dječju odjeću, obuću aksesoare i lifestyle proizvode.

Usluge VTK/STK BiH i organizatora sajma

- VTK/STK BIH će u periodu organizacije posjete pružati konstantu tehničku pomoć kompanijama učesnicama (preporuke oko smještaja, prevoza, programa posjete, dobivanja ulaznica za sajam itd)
- VTK/STK BIH će kompanijama obezbijediti i kontakte potencijalnih partnera iz Hoovers baze.
- Izradiće se katalog sa profilima bh. kompanija učesnica u formi vizitke sa QR kodom, koje će biti korištene kao promotivni materijal tokom posjete.
- Uz tehničku podršku SIPPO bh. kompanijama pružit će se liste kompanija izlagača, potencijalnih partnera sa kojima je moguće zakazati sastanke tokom posjete.
- Tokom realizacije posjete kompanijama će biti omogućena konstantna podrška od strane organizatora (usmjeravanje kompanija, prevod itd)



Organizator posjete VTK/STK BiH će svakoj odabranoj kompaniji učesnici (najviše deset kompanija) obezbijediti novčanu subvenciju od 1.500 KM (PDV uključen). Kompanije od subvencije imaju pravo pokriti troškove avio prevoza i/ili smještaja, ulaznice za sajam. VTK/STK BiH će sa svakom kompanijom potpisati Sporazum u kojem će biti definirana prava i obaveze organizatora i kompanija učesnica.

Kriteriji za odabir kompanija – učesnica u posjeti:

- Kompanija je proizvođač iz tekstilne industrije koji može ponuditi proizvode koje odgovaraju ovom sajmu
- Kompanija ima iskustvo u poslovima izvoza i upošljava barem jednu osobu koja aktivno komunicira na engleskom (njemačkom) jeziku;
- Kompanija je strateški opredijeljena za izvoz prema EU, te posjeduje adekvatan kvalitet proizvoda, te potrebne dozvole i certifikate;
- **Kompanija je aktivni član VTK/STK BiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj 30/1 i 72/1**

Molimo Vas da, ukoliko ste zainteresirani da uzmete učešće u ovoj poslovnoj posjeti i prihvatate navedene uslove, popunite **priloženu prijavu** i dostavite je putem e-maila: aida.vidimlic@komorabih.ba **najkasnije do petka 27.12.2024. godine**

Potpisana i ovjerena **četiri originalna primjerka Sporazuma o reguliranju obaveza**, potrebno je **obavezno poslati i poštom na adresu VTK/STK BiH, Branislava Đurđeva 10; 71000 Sarajevo.**

Za više informacija o učešću u posjeti, kontakt osoba je **Aida Vidimlić** (tel.033 566 233)

Nadajući se Vašem interesu za učešćem u ovoj poslovnoj posjeti, te očekujući prijavu Vaše kompanije uz potpisan i ovjeren Sporazum, ostajem

S poštovanjem

